

愚

齋

存

稟

愚齋存彙卷第六十三目錄

電報四十

寄京外務部津袁宮保

寄長沙趙次帥

寄川督錫清帥

寄俄京胡大臣

寄濟南周玉帥

寄武昌端午帥

寄江甯魏午帥

寄廣州岑雲帥

愚齋存彙

卷六十三目錄

思補樓藏版

寄京外務部

魏午帥來電

寄美京梁震東星使

寄京伍侍郎

太原張筱帥來電

廣州岑雲帥來電

京伍侍郎來電

岑雲帥來電

寄太原張筱帥

外務部來電

張筱帥來電

寄外務部

美公司來電

寄復美公司

寄岑雲帥

外務部來電

商部來電

寄濟南周玉帥

寄外務部商部

天津袁宮保來電

寄袁宮保

寄外務部商部

北京楊道文駿來電

濟南周玉帥來電

寄外務部

又

外務部商部來電

晉撫張筱帥致志道森電

寄外務部

晉撫張中丞致志道電

寄外務部

寄武昌張宮保端午帥

寄美京梁大臣

又

晉撫張筱帥致志道電

寄外務部

端午帥來電

寄張宮保

外務部來電

又

張宮保來電

魏午帥來電

張宮保來電

寄武昌張宮保長沙趙中丞

趙次帥來電

外務部來電

寄武昌張宮保長沙趙中丞

又

寄外務部

寄張宮保

長沙趙中丞來電

寄張宮保端中丞

寄張筱帥

寄外務部

寄天津袁宮保

寄北京伍侍郎

袁宮保來電

愚齋存彙卷第六十三

電報四十

寄京外務部津袁宮保

光緒三十年正月初四日

胡大臣支電俄外部文復我守局外須政府地方官不
背例日本真認我局外俄必允認惟滿洲境不在此例
云東省 陵寢 宮殿城等據稱自應由俄照料
惟遼西亦滿洲境難認局外不佔東省疆土一節再四
提論伊云目前總不能議再兵部不日東行統陸軍阿
列統水軍德支云宣轉

寄長沙趙次帥

正月初五日

是夕不彙
卷六十三
日俄交鬪無論孰勝皆非我福練兵非難練將爲難湘
中將帥所產地如能專設練將學堂必有人才輩出此
間所知戰耗均託鄂帥轉達張道鶴齡已催屬日內起
程矣

寄川督錫清帥

正月初五日

夔礦本飭礦師由鄂入川嗣據電稟至竹山縣患痢甚
重彼處醫藥均無且竹礦情形亟須回滬面稟又慮川
中多雪難以勘山返滬後正令速行接魏午帥電徐州
利國鐵礦亟待往勘勢須由近及遠一時恐未能到夔
承尊處派員久待甚歉請飭先回俟礦師能來再電台

端核派保護

寄俄京胡大臣

正月初六日

外務部歌電開胡大臣支電悉雷使照稱中國照局外
例辦理惟東三省情形不能於亂前預定守護 陵

寢 宮殿俄爲設法本部復以中國宗旨前照已預爲

聲明守護 陵寢 宮殿爲我應盡之責卽飭該省

原有之兵隊駐守不另派兵並達阿大臣約束兵隊勿
擾地方等語希照此向外部切實申說至遼西係照約
已退兵之地應守局外此外滿洲地方雖不能實行此
例地方官亦應照例中立均望辨明爲要又日本使照

稱除俄所佔地面外俄國苟能推重中國局外之例日本亦當一律推重等語是俄兵不至遼西日兵當必不往並聞等語宣轉

寄濟南周玉帥

正月十六日

呂尙書海寰吳侍郎重

迭接嚴紳函電請籌春振十二萬擬辦民堰藉工代振弟等所發各處捐冊鮮有應者皆因商民困累非復曩年光景頃佑之又電稱霖卽至平陰開工兩決共八百數十丈腳寬十丈頂丈五高一丈二三四五不等半月可堵成津貼二百文一方以工代振費半功倍范縣壽張陽穀東阿平陰有十二萬兩不足者藉資民力可以

保全億萬生靈消地方隱患等語辦工確比放振功德
遠大此等要工想公亦本願舉辦惟精振爲名可省糜
費嚴紳能任勞怨前辦小清河費省工堅若令總辦必
能得力但其所請十二萬未知冬振尙餘若干此外所
短若干務請飭司局籌墊一面請公多發照收弟等分
派勸辦必當全數歸墊且當先歸尊處後歸宣等去年
墊款如蒙俯准乞卽就近飭知嚴紳照辦

寄武昌端午帥

正月十八日

張道鶴齡來電所擬奏稿承公嘉許鄙見惟有請派重
臣以考求新政爲名赴各國面遞國書以維均之勢立

說東三省開通商埠利益均沾爲宗旨乘其勝負未分先站地步倫貝子正將就道如可兼辦尤無痕迹弟擬電奏若得一二疆臣會銜更可動聽除電商魏岑兩帥外如公願列名再將全稿電求核定乞速示

寄江甯魏午帥

正月十八日

俄勝必明目張膽以東三省爲已有且恐直偏長城日勝則彼糜餉流血所得之土地豈能拱手還我各國攬維均之勢惟有請派重臣云云同上除電商端岑兩帥外如公願列名再將全稿電求核定乞速示

寄廣州岑雲帥

正月十八日

聞貴恙大愈慰甚諫電諒邀覽日本已發陸軍十萬俄將倍之俄勝東三省必明目張膽據爲已有且恐直逼長城日勝則彼糜餉流血所得之土地豈能拱手還我卽以派兵代守爲名亦去虎進狼耳各國擅維均之勢惟有云云同上除電商魏端兩帥外如公願列名再將全稿電呈核定乞速示

寄京外務部

正月十八日

福公司堅持有權製鐵但憑晉豫合同標題有製鐵二字其時爲馬建忠等所朦混若再放鬆中國製造鋼鐵之利悉爲各強國所佔奪內地設廠尤與條約不合近

日晉撫派志道與哲辨論哲堅稱照合同有權製鐵日
內又須訂期會議哲總以英使堅持爲詞究竟貴部如
何答復英使乞示

魏午帥來電

正月十九日

嘯電深佩謀國至計三省久應開通方足以謀永
固俄勝固禍患不可測日勝縱能力踐英日盟約
以保全中國領土毫不侵略爲主中國亦豈能永
杜俄患況日以流血所得誠如公言不能拱手還
我今日之謀保三省亦卽所以保衛全國事不
宜遲應由電入告做處自當附名除專使外並宜

令各駐使協助更宜先從美國入手發電後請公
再密達伍公如交議望爲贊成是否並祈裁酌

寄美京梁震東星使

正月十九日

合興派美德暫當總工司應核准代理人何以不是美
員與總公司專認美人之意不符美公司屢違合同恐
終須廢約務請轉商

寄京伍侍郎

正月十九日

據合興公司電稱本公司派美德暫當總工程師司望核
准又按照合同派經士科當本公司代理人等語當復
美德既係美員自應核准代理人何以不是美員與總

公司一向專認美人之意不符云查美公司辦事屢違
合同恐終必須廢約務請與康使酌商

太原張筱帥來電

正月二十日

頃據委員鈔閱福公司在豫議定道口至甯郭驛
枝路章程第一條言公司籌款造路至六十年限
滿仍照合同第九條悉數報効 國家等語現議
澤道枝路是否即將甯郭一路并入通算如果由
我借款出息且須還本似福公司過於取巧不知
豫議曾否邀覽祈賜裁奪

廣州岑雲帥來電

正月二十一日

嘯電箇到偉識卓見甚佩煊亟願附驥稿乞電示先覩爲快

京伍侍郎來電

正月二十一日

康使尙未接外部復康云祇保守約之美商不袒違約人也

岑雲帥來電

正月二十一日

查粵漢鐵路按中美合同係借美款建築近晤葛利據稱美人暗將借款股票三分之二賣與比人比人擬將軌路分爲南北兩段北段歸比經手南段歸美經手中國堅持不允事遂未成現擬回美

將已售與比國之股分仍由美國悉數買回以免
糾葛等語現據溫道面稟美國公司爲比所迫擬
另用比黨中之美人改充總董此計若確似於南
方大局有礙蓋比卽法俄不可不慮我公夙顧大
局祈設法力拒並懇電示實情爲要

寄太原張筱帥

正月二十三日

道口至甯郭驛枝路章程豫議並未知照敝處福公司
深以弟太堅持祕不告我誠如尊論過於取巧然皆由
於我自取也

外務部來電

正月二十六日

去臘箇三電暨本月嘯電均悉築路費較原議加增一半未免喫虧已成之路可派他國工程師前往勘估秉公斷價或檢查帳目逐款核計再將未成之路約估若干一并酌定其運腳一項哲既允公平定價卽由尊處比較他路會商該公司酌中定值製鐵一節尊意以路章補救礦章固屬有益之舉但查各處路章除違禁之物不准載運外其餘運貨並無限制哲謂開礦另是一事所論尙屬近理現定路章可不必提應俟該公司請辦晉礦時由山西商務局再與磋商至正太合同本不牽

涉礦務無慮效尤統希核議電復

張筱帥來電 正月二十六日

豫議雖未知照猶幸鼎力堅持現議澤道尙未簽
定卽可以豫議折之使取巧者無巧可取此事出
入既大似應電告外務商部免爲所朦仍候裁復

寄外務部 正月二十七日

製鐵一節晉撫已派志道森與福公司理論哲謂照合
同製鐵已經總署奏准晉省無權刪改鈞諭現定路章
可不必提應俟該公司請辦晉礦時由山西商務局再
與磋商在總公司目前免費唇舌但恐將來更無補救

之法宜懷不敢畏難思得一策晉鐵斷無不辦之理既許英人攘辦勢亦不能不准化煉然若一無限制亦斷難只准英國不准別國踏礦利權所在若一遷就伊於胡底現與哲議晉省出鐵之所或就近鐵路之所中國國家自設鎔化廠允將福公司鐵砂交由 國家鎔化廠煉成鐵磚以便易於火車裝運似此定議只許彼攘開礦之利我尚可自保製鐵之權內地設廠亦不致自此開端至自設煉廠遲速大小權皆在我哲因亟求路款成議已允商量惟望大部堅持仍推做處或能就範以副諉誣是否仍乞示遵

美公司來電

正月二十八日到

經士科不過暫行代理將來如有合式美人可充
代理人之職定必派委閣下能否即派福開森前
來費由本公司出各事均可調停妥當

寄復美公司

正月二十九日

貴公司允派美人充代理人之職慰甚必如此方為合
格福開森允派前來

寄岑雲帥

正月二十九日

馬電所論美公司事深為感佩粵漢開辦時奏請伍使
慎選美商訂定借約旋聞美股暗售比人不少而美不

承認近託康使電彼外部詰問讓美公司稟復云公司
股票任人購取向來公司辦法外人佔股董事無權限
制等語美商似此欺飾不顧體面實出意外葛利來華
兩載亦不言比人有股一味專權全無真話及至潑行
始請回去收買比股焉能取信現已函請梁使康使切
告美人中國持定合同十七款只認美公司如有他國
人干預卽行廢約尊處有地方之責應請告知美領事
粵省亦只認美國人辦事則借重聲威多矣

外務部來電

正月十七日

晉礦合同係商務局備款自辦與備款造路同一

辦法本不應推歸洋商自失權利若照合同由局
作主則製鐵之權亦尙在我尊擬由中國自設鎔
化廠准該公司將鐵砂交廠製煉自是正辦哲允
商量希卽與切實議定

商部來電

正月三十日並致呂吳兩大臣

日俄開衅旅順青泥窪一帶華民流離可痛亟須
拯渡現擬由商家出名興辦紅十字會上海紳商
林立集款僱船衆擎易舉台端情殷康濟請卽就
近提倡轉飭各紳商切實籌辦以成善舉登高而
呼百響應不勝禱盼之至

寄濟南周玉帥

二月初三日

呂吳兩大臣會電

巧電承允飭司局設法一二萬當卽轉電嚴紳頃據嚴紳電稱此次以工代振係爲公家節省經費辦法事半功倍故允民間津貼修埝百姓知爲保全伊等身家性命故與當變賣先行赴工允其十日半月振款一到卽發津貼若屆時不發必致譁潰霖失信於民惟有一死現日間巡工安慰夜間焦愁寢食俱廢惟求大公祖與杏公飭輪電局及嚴小舫集腋借墊以應急需救民卽救霖保民卽報國當此強鄰環伺大局艱難無一足恃惟修德行仁是切實爲已功夫立候電示等語查輪電

局嚴小舫均已捐墊滬市極壞目前竟無可集腋海等
愧無以應在嚴紳勇於爲善其心可原況工已開辦勢
難中止尊處統籌全省自難專顧一隅但恐譁潰失信
嚴紳不了卽弟等公請嚴紳赴東亦咎無可辭此閒勸
捐惟施道則敬先得部照並先減成所解振捐已十數
萬兩惟有仰求我公卽在施道所解振捐內酌撥數萬
兩派一幹員解赴東河並察看情形會商嚴紳酌量津
貼以符工振而濟民急此閒一面竭力勸辦必當儘數
解還明知公處窘鄉弟等無力幫助猶復屢瀆盡籌實
抱不安惟公諒之嚴紳已將其經營善堂產業託其鄉

友變售以濟東振弟等對之亦未免有愧

寄外務部商部 二月初三日

奉商部鑑電敬悉一切上海紳商正初已集議設法格
於會例茲幸議成中英法德美合辦上海萬國紅十字
會譯得會章一在戰地設醫院治受傷軍士誤中流彈
人民二置醫車備受傷軍士人民三拔被難人民離去
戰地憑紅十字旗在戰地切實行其權利戰國不得侵
欺舉沈敦和施則敬任錫汾爲中辦事總董英按察使
威金生英法工部局總董李提摩太同孚傅密生福醫
生巴倫高易麥尼而爲西辦事總董各籌款項會商妥

辦與大部來電商家出名之意適相符合中款已籌墊五萬餘金並刊募捐冊函海等均列名廣勸西董現公議請中政府電飭兩國駐使轉商兩戰國政府承認此會飭下職員知照駐使西董亦各電其政府承認如兩戰國政府不受駐使所商該西董等當再電其政府轉商以必期允洽自係目前最要關鍵擬請大部一面與日俄駐使面商一面卽電胡楊使據情與商又聞須先照例知照瑞典總會兩戰國方能承認并乞鈞裁示復

天津袁宮保來電

二月初五日並致楊杏城京卿

日俄開戰後聞遼東一帶民商猝遭兵難流離轉

從來日方長殊堪憫念現飭司道等籌款招紳仿照庚子救濟會辦法先與駐津日俄領事商明派員紳前往東省一帶相機探進設法振救上海富紳大賈好善勇往之士當不乏人所廣爲勸募招致以成善舉商民幸甚

寄袁宮保 二月初六日 楊京卿會電

滬上紳商上月初因東省災民亟須拯救擬仿照庚子救濟會辦法副慮俄人不允遂聯合各國官商中外合辦借萬國紅十字會爲名實行救濟之事各華商已籌墊款五萬餘兩津紳既經尊處招致又得官爲帮忙似

可與滬上善會聯絡一氣通力合作至所需經費昨接
商部電業經刊刻捐冊由呂尙書領銜分頭勸募將來
籌有專款費用全在東省似不必南北分辦卽無須另
立捐冊商之滬上在會紳商咸以爲然可否仍候核示
寄外務部商部 二月十一日 呂吳兩大臣會電

青電謹悉遵卽轉飭沈敦和任錫汾施則敬等立卽會
商西董據稱旣尙無確復其認允與否尙未可知恐各
國政府無以措詞更恐藉詞則欲速反遲仍候鈞署電
示認允與否之確復卽設法辦理務期允洽並請鈞署
面商法使電駐法孫使請法政府轉致瑞政府告知總

會知照孫使於轉致知照後卽分電胡楊使接洽必較
得勁云再營口已設大醫院滬會運往醫藥器具由教
會西醫十人經理兼辦救濟事宜俟得戰國認准信再
酌派中人前往協同妥辦等因謹據情轉達敬請鈞裁
核示

北京楊道文駿來電 二月十一日

連日探悉會件留中 禱聖聞頗以游說爲然
邸以附件之人年輕未克當此曾商外部俟戰事
稍有眉目再議謹密聞

濟南周玉帥來電 二月十五日

元電示紅十字會辦法謹卽力勸官紳商民籌捐
協助望卽將函冊寄下弟前因旅順大連灣華民
逃難屢飭東海關僱船往救竟無船敢往又請外
部北洋轉商俄使迄無成議近聞海參崴華民亦
極顛困弟日夜籌思正苦無法幸滬上中外諸公
創此善舉薄海同欽惟聞戰兵所過地方民不堪
命其願逃者設法救出遠近安置尤徵大惠如僅
在戰場施醫惠仍小也乞與中外諸公商酌

寄外務部

二月十六日

自奉三十電後卽派陳道善言與哲美森商量自設銘

鐵爐廠一節屢易稿文彼初意仍欲借款代辦工師均由彼聘權操自彼均未允准做處送去末次改稿云一晉省出鐵之所或就近鐵路之所中國 國家自籌資本設立鎔化廠允將福公司鐵砂交由 國家鎔化廠鍊成鐵磚以便易於火車裝運二鎔化之費彼此商訂公道之價該廠如實係自己需用之煤及焦炭倘願向福公司購買須訂一額外價值比外賣之價略減福公司儘先供用該廠既設之後 國家須時常保全妥當合用而福公司除 國家允准外不得將鐵砂寄往別處鎔化或別法銷用三該廠及日後推廣之廠均係中

國家物產該廠督辦大臣應遴用合式化鐵工司如屆時中國尚無稱職之人應向外國選聘昨哲於首條易於火車裝運下請加第一廠設在何處應由福公司指定地段其圖樣價值亦應由福公司繪造估算一切查照外國最新至精之法辦理以期工速而費省倘辦理有效可以再於他處商量設廠并可推廣製造鐵條等件二條或別法銷用下請加六十年期內福公司應得儘先鎔化惟福公司礦砂不足以應供給該廠始可另爲他人鎔化三款應向外國選聘請改應向英國選聘總之鄙意此鐵廠宗旨並非專爲福公司而設據

張中丞來電晉省鐵山並未買動現擬密派自僱礦師
先收產鐵礦山雖不能如大冶盡數收買或不致悉爲
彼得則仍可自煉自鐵而福公司鐵砂不過帶煉倘能
辦到如此鐵利尙可挽回現訂十九日再行會議大部
如有訓示請速復

又 二月十六日

寄電已成之路可派他國工程師前往勘估秉公斷價
或檢查帳目逐款核計再將未成之路約估若干一并
酌定等因福公司於此層一味含糊不欲倩人公斷已
成之路工簡而易每一英里斷不值六千磅均係一英

會推廣於水戰一條經總署奏准畫押茲據瑞總會函請補畫西千八百六十四年陸戰原約已電致張使轉達駐英瑞使知照總會允認入會並聞希卽飭知並速電復

晉撫張筱帥致志道森電

二月十六日

絳秦兩電悉礦事此次發議本由改借路款喫虧過大須有別項利益相抵前電路礦統算不逾晉豫原借二千萬最爲限制權利關鍵能於路款合同聲明最妥製鐵紅股兩者亦所必爭卽使彼不允議我斷難鬆口來晉仍所必爭晉釐舊章凡抽

行商二十八卡百貫完釐一次餘皆照票放行坐
賈委員或由地方官兼辦專抽土藥稅及膏釐其
入口洋貨出口土貨請有關單卽驗單放行不再
抽釐間抽無單洋貨爲數無多舊章大略如此惟
新約土貨運經第一常關抽收半稅一年內不再
重抽一節虧稅甚大內地并無常關卽與免稅無
異應照美約從起運處抽收不必拘持常關稍可
補救然祇准抽二五既與七五總數懸殊仍非加
抽無補約意似恐妨礙出口關稅其實內地土貨
究竟出口者甚少又洋貨完清稅項概須給單或

貼印花入內地時方能分別免漏塞爭亦爲要着
至地方官向抽雜稅本與釐卡無涉當可剔開照
舊徵收不入商約稅數之內并卽請示商約大臣
議定後卽速回晉

寄外務部 二月十九日

諫兩電諒邀覽頃哲會議告以正月三十日部電照合
同由局作主製鐵之權亦尙在我哲云合同係福公司
自行借款開礦製鐵權利均在福公司不在中國與鐵
路不同告以晉豫合同非我經手此次政府派議路章
若不照 國家自設鎔化廠三條則澤道借款決不能

議汝所增改處仍要權歸福公司斷不能允除末句外國選聘允改英國選聘外餘不能動哲請加以上所載三端之外原訂晉豫合同別無更改答以此晉豫之權未便越俎鎔化廠三條應作澤道借款專條一起簽押哲允候英電再來定議

晉撫張中丞致志道電

二月二十四日

釐稅向章飭鈔另寄銷場稅便民之法或勸行銷認包定製印花發貼庶有把握而無擾累惟大商可包零販難包城市可包鄉村難包尙須變通方能盡善查英約出產轉運及運到處均不准收稅

如於運到處再分銷場轉運清晰甚難商酌然美約從寬辦理錢有爲存儲官棧之說有不能到處設棧晉尤難行凡土貨運銷外省及外洋照約可由常關收加稅晉無常關卽無稅可收本省銷貨又稀所失甚大是否可在海關撥補如土貨冒充洋貨如何分別卽內地貨有經關納稅與未經關納稅者銷場稅應否分別輕重憑單稅則是否各省各定土藥稅英約有并作一次之語晉抽藥稅亦多過路如他省收過一次卽難再收所失甚鉅本產若一次并收民力不逮是否尙可變通鹽稅

應改否歸化係現有常關是否照舊收稅均稟陳

商約大臣核示

寄外務部

二月十六日

呂大臣會電

葡白使已於二十六日晤面擬卽訂期開議惟本年正月大部咨稱中葡增改條款暨分關章程業於二十八年訂定畫押並分別鈔錄咨行在案等因查做處所奉只有增改條款並無分關章程祈卽鈔錄寄滬爲盼

寄武昌張宮保端午帥

二月二十六日

呂大臣會電

會議銀價大臣精琪聞已抵鄂由鄂赴甯不日來滬查精琪條陳雖多可採惟事由正司泉官主持深恐財政

主權不免爲外人所奪尊處會議宗旨如何祈速電示
以期接洽爲盼爲禱

寄美京梁大臣 二月二十七日

謠傳美股全售與比辭馬已帶許多比人來華聞英使
將要干預勢必廢約小票簽交受託公司若干提付美
公司若干如廢約須告外部飭受託公司不准再提付
又 二月二十七日

惠惕爾函稱無論僱用何國人有何分別此節違礙十
七款萬不能允粵楚督撫亦不承認望速警告合興

晉撫張筱帥致志道電 二月二十七日

鐵路借款昨因鈔得河南所訂道口至甯郭驛枝
路章程有由彼籌款六十年後仍將全路報効

國家之語當以一彼一此本息喫虧甚大電告盛
宮保復謂豫議並未知照等因既係福公司有意
取巧自應趁此尙未定議援據力爭想盛宮保必
有卓見不知現議路款究借若干礦款開除路用
所餘無幾要須聲明統算一千萬外不再多借方
將原議劃清界限紅股一節山西商局既爲公司
辦事不能不責公司酬勞仍應堅持力索製鐵標
題雖不允除然合同內並無此議應照公約內地

不准製造卽使有款亦斷不允其設廠亦須說明
載問答語中又第六條提公積一分還本前據哲
議稱係十分中一分惟以本條上下文所稱本利
分數推之實係百分之一蓋提公積較多不但
國家應得餘利減少且使六十年後將本還清報
効卽成虛語仍卽稟商盛宮保核復爲要

寄外務部

二月二十八日

呂大臣會電

葡白使面訂先議商約後議稅則卽日開辦德領照復
已請示彼政府核奪俟有確信再奉聞不知穆使有無
復信惟從前辦法係由海宣同伍大臣會商聯名電請

部示現伍已官外部是否照舊辦理乞電復

端午帥來電

二月二十八日

精使到鄂接晤數次鄙人告以中國各省銀價一時恐難劃一且須由內主持渠亦自以未能盡悉中國情形爲言香帥僅見精使一次意似甚不謂然精使爲美國教育家兼財政家甚有學養此來係上條陳非強中國以必從其議也

寄張宮保

二月二十八日

宥電立卽譯交沙多查復據稱黃河橋柱已成四座其第五座正在下椿河水忽改道突至因水之漲流有高

低遂見橋柱有長短不知工程者卽以短者爲下陷第五座橋柱尙未完工而水突至且屬無恙況已成之橋柱乎如此重大工程未開工之時早經審慎再三斷無不成之理請勿信浮言當河水突至已趕搭木橋以渡工役茲呈上橋柱工程照像一紙閱之卽可了然云

外務部來電 二月二十九日

英使面稱鎔化廠辦法三條除外國選聘句已允改爲英國選聘外餘仍請照哲美森會添各節敘入並謂原訂晉豫合同別無更改等語查哲會增改之處誠如尊電恐授權於福公司現英使堅請

增添經本部詳加酌核如首條指定地段句應改
爲指定彼此合宜地段繪造核算下應添與督辦
大臣商准七字倘辦理有效下應改爲出產興旺
可稟由督辦大臣允准再於別處商量設廠第二
條六十年期至末句應改爲該廠亦不得於福公
司交鍊鐵砂有所耽延似此互相抵制尙無流弊
至晉豫合同別無更改一節其權在晉豫該款內
未便牽涉統希酌核妥議並電復

又二月三十日

前接漾電已照會穆使尙未得復至伍大臣業經

調補本部侍郎自不在議約之列嗣後可無須聯
名

張宮保來電 二月三十日 並致魏午帥呂尙書

精琦所言虛謬支離萬不可行鄙人已逐條面駁
無一語能解說者至外國人代掌銀幣之權更是
萬萬不可午帥意如何并望賜示爲感

比京楊大臣兆璽來電 二月三十日

比外部尙書來語粵漢之比股與盧漢無涉故粵
漢不得侵盧漢之權囑電告

魏午帥來電 三月初一日 並致張宮保呂尙書

鄂三十電悉精議舉中國財政一付於司泉洋員之手宋道育仁謂其乘機攘權一語破的惟圖法在我本應整頓畫一國幣又復載諸新約銀行

國家現已創行凡此本爲財政要圖卽無精議亦當次第舉行宋道謂可以矛攻盾就此布置財政整頓圖法許用洋員嚴防干預其法甚善未識鏡翁杏翁現已作何復部香帥是否卽照三十電達部乞示爲盼

張宮保來電

三月初二日

并致湘撫趙次帥

頃某國總領事來言接某公使密電云比國在湘

請造湘陰過常德至辰州一路現已商諸兩公查
俄法合謀比國素聽法人主使俄人既修西比利
亞鐵路又請修庫倫張家口兩路法又囑比承攬
粵漢幹路今又請修辰常一路自中央而四達中
國全在俄國掌握之中可危孰甚務望力阻比人
勿令建造湘辰之路等語查某使所言實是忠言
於中國利害大有關係究竟比人是否現有此議
似不宜許祈速示洋報言比人在京謀造京張一
路杏翁想必有所聞祈示

寄武昌張宮保長沙趙中丞 三月初二日

鄂沃電悉辰常一路並無所聞京張亦未見比人來言
利害所關自當合力堅拒粵漢已電梁使康使分告美
外部中國認定合同第十七條專認美公司不得轉與
他國人而美公司稟復美外部謂股票分售美例不禁
權仍屬美等語該美商爲伍使所招貪利售股實所不
料目前湘路暫停因我責其違背欲與廢約尙在相持
洋款造路斷非長策必須通力籌款次第收回容徐圖
之

長沙趙次帥來電 三月初五日

收挽路權深佩蓋籌美約逾限理應作廢現湘紳

欲自辦長漢鐵路求公力助其成幸甚

外務部來電 三月初五日

津鎮鐵路合同由北洋大臣咨部核議尙未訂定
現德使來照奉其政府訓條須俟該合同定議再
議商約希查照

寄武昌張宮保長沙趙中丞 三月初六日

湘電湘紳欲自辦長漢鐵路敬悉無論何項鐵路自辦
本屬上策湘紳籌鉅款未必足恃祇可借此推緩如錫
清帥於川路然粵漢美約尙未逾限現值日俄在我境
內交戰更難以此詰責只能持定十七款專認美國公

司倘有他國人出頭卽與廢約然亦難免涉訟鄙見常德辰州枝路尊處可將湘紳籌款自辦咨復有力則行無力則止總於地方相宜宣前經批准粵商張煜南自辦潮汕枝路浙商李厚祐自辦杭州枝路皆輕而易舉可援引也當否乞示

又 三月初六日

頃奉外務部咨開比姚使照會萬國東方公司請准在湘省修造湘陰至常德又至辰州枝路並附地圖前來於他路有無窒礙並於該處地方是否合宜咨行復部以憑核辦等因此卽鄂三十電所述某公使電語論時

局萬不可許已將原文轉咨尊處似可就地方不合宜
咨復至於他路難言窒礙也

寄外務部 三月初七日

上年三月漢陽鐵廠商董與三井日商訂立合同購運
生鐵一萬六千噸在漢滬交貨分批運往長崎大阪通
商口岸除陸續已運外然已購未運之數尙多事在日
俄未戰以前商運商銷並祇運至日本商埠供農工製
造之用未便列入違禁之物致前訂合同不能照辦漢
廠艱難喫虧不起頃據小田切面稱生鐵爲農工銷路
本不應禁乞大部飭知總稅務司轉飭滬漢兩關遇有

漢廠生鐵出售照章驗放以竟商銷而免攔卡並祈迅賜電復

寄張宮保 三月初七日

漢廠攬造盧漢鋼軌已竣粵漢滬甯均因時局觀望不肯定貨養命之源祇有生鐵一項內地翻砂小廠售用不多以日商所購爲大宗貿易小田切云此項商鐵專供農工製造與軍務絕無干涉從前德法英特諸戰中立國概無禁售商鐵者盧赫德誤會列入禁物故電外務部云云見上務祈台端俯念漢廠化鐵爐不能停具軌廠不能開除銷生鐵外別無進款外欠纍纍險象立

見伏祈准予電懇外部同賜維持並飭漢關照舊放行
勿稍阻滯至深感禱並祈賜復

長沙趙中丞來電

三月初八日

兩電感佩倣見幸附同心長漢將來有機可乘仍
望主持此刻惟不准美將暗中售與他人此湘人
公論務求大力擔任爲懇常辰枝路湘紳已請奏
辦並聞

寄張宮保端中丞

三月初八日

俄主寧派專使與德王議事西人論陸戰如日再勝狐
兔生悲將會議調處英窺藏地川滇關係匪細聞法亦

加兵難保不窺雷瓊天下事未可知練兵製械皆急務
李維格逃彭脫私議蕪湖之內設槍礮廠太近江口有
事時敵往佔仍難守莫如萍鄉深奧東阻鄱陽西隔洞
庭屬兩江而邇兩湖其煤鐵便用鐵路便運省費尤餘
事李等瀕行囑面達聞公將赴甯宣尙無暇赴鄂謹密
陳備採擇

寄張筱帥

三月初八日

部電晉礦合同係商務局借款自辦與借款造路同一
辦法本不應推歸洋商自失權利若照合同內作主則
製鐵之權亦尙在我等語哲美森則云晉礦利權原給

與商務局但該局已轉授與福公司以六十年爲期不能更動製鐵明明寫在合同上福公司實有六十年開廠鑄鐵之權志道迭向爭論哲持定合同奉旨批准不能更動事關大局應請尊處速將合同英文照鈔兩份一寄外務一寄做處以憑核對

寄外務部 三月初十日

福公司事具詳二十四公函奉囑電英使請增各節工師已用英人若造估辦理仍歸福公司直是我籌款彼執權與晉省所給礦務權利相同何得謂中國自辦又孟平潞澤皆饒於鐵一廠之外若再別處設廠只圖省

彼運費不顧糜我廠本 國家籌款惟艱更貽無窮後
患按晉礦合同祇准枝路接幹路轉運煤鐵是煤鐵必
須運至枝路明矣今在枝路處設廠鎔化彼已省火車
運費多矣斷無一礦設一廠之理香帥在漢陽設廠十
五年來想再在大冶設廠至今無此財力可見實非易
事如英使再來曉舌請告以英商攘我無窮礦利不過
籌本千萬我政府造路爲彼運礦又設廠爲彼化礦所
費不止千萬將來能否取利還本尙不可知待英公司
可謂極厚此係商務無所用其強勒哲面議本已允洽
只恃英使護符故爲嘗試得步進步昨來詢鈞處電諭

到否已遣陳道實告前因訂期晤商不致憚煩擬求大部仍准做處與晉省辦事之人未能再讓外人公論已足看來不難定議所以一再堅持無非爲救前弊防後患起見總期少喫虧苦以副鈞厪

寄天津袁宮保 三月十一

頃精琦到滬面議金銀價事江鄂來電不甚謂然鈞意如何祈電示

寄北京伍侍郎 三月十一日

福公司要我山西就其礦所多設鐵廠不止一處又造估辦理福公司均要干預僅與督辦大臣商准昨將後

患直陳但未知部中已實允英使否抑尙是活動語氣
仍令做慮與哲商議乞速密示現定十四會議

袁宮保來電 三月十二日

精琦條議如洋員總理及未籌實款而改金本位
又金銀定價等事鄙意恐不能辦盡籌以爲何如

愚齋存彙卷第六十三